


8



升菴文集

心

第十二卷

古樂府

第十三卷

古樂府

第十四卷

古樂府

第十五卷

五言古詩

第十六卷

五言古詩

第十七卷

五言古詩

太史升菴文集十二卷

成都楊慎著

從子有仁編輯

古樂府

沅江曲

綠蘿山豁午煙開野阪山樵競野回壘浪高潭渾不
畏舸艚船上唱歌來

碧天霜冷月明多平澧風交湘水波夜夜楓林驚客
棹村村銅鼓和蠻歌

羅甸曲七首 貴州道中

揚州雜文集
卷二
百里馳驅倦三更夢魂歸不辭晝夜苦但使逢春暉
其二

山園羅甸國水繞的澄橋橋下東流水可惜無蘭橈
其三

寒燈闕孤館陰雲鎖重城長夜恒思曉久雨恒思晴
其四

登山千尋梯下阪九仞井雨潤衣珠融風吹髮毛冷
其五

蠻樹不凋葉蠻雲不放晴長亭望不見何處是渣城
其六

林間山胡鳥聲聲啼我前何似故園裏花亭聞杜鵑

關嶺曲 四首 貴州

倦枕愁鷄鳴問即今日程中路不可宿長途須早行
其二

北登鷄公背南望象鼻峴相逢試相問往來定誰難
其三

關索嶺四十三盤高前有安龍菁行人莫辭勞
其四

老鴉關仰樹間靈卜西去何當還

蜻蛉謠

蜻蛉羨姜公也公未莅止西郊不聞平息淡
年公在斯矣聆輿誦采民謠綴茲風耳而目
之乃知羨非溢也

蜻蛉川砢碌野鉄菁窮崖飛鳥不下隹結成群行白
日腥風灑繫我髦牛驅笮馬金鷄廟前無行者使君
坐紫城枹鼓卧不鳴蒼山平洱水清守犬無夜驚行
商達天明白羽蠹青苗生南山踏歌北山耕願留使
君住只愁使君去畏途前番君不聞高車駟馬亦使
君劫商車下放車輪

新春始泛歌二首

螳螂川水青如苔漕溪寺花紅滿臺韶光滿眼莫惜
醉幾箇扁舟乘興來
白沙渡口幾人家紅粉當壚青旆斜梁上新巢早啣
燕門前垂柳暗藏鴉

滇海竹枝詞

羅漢孤峯祇樹林梁王輦道海中心海垠青青堪牧
馬海眼只今無處尋

東浦彩虹懸水樁西山白雨點寒江烟中艇子搖兩
槳空裏鷺絲飛一雙

滇人喚紅
霓為水樁

悲酸行

少日多懽悰老境足悲酸悲酸一何易懽悰一何難
遊子久不歸憔悴羈南冠親庭隔千里夢中路漫漫
年來轉漂泊居處無恒安征馬常苦瘦旅席常苦寒
有客過我門勸我強加餐春陽正發育覆載本自寬
窮途謝好音白意于青翰

蒙鳩篇

辭家鄉去親愛遠從軍萬里外日暮曠野霜風凍我
有夫行惻營巢寄所蒙鳩語老鷓摘巢抨去之老鷓
言此鳥是鳳凰抨之恐不祥但可嚇去之不令在我
傍鳳止鳳飛羽毛摧頽五里一迤顧十里一徘徊山
川嵯峨嶽峯隱阿且飲晨露殮朝霞禍無常門福無
常家吐嗟呼傷哉謂之何

青蛉行二首寄內

青蛉絕塞怨離居金鴈橋頭幾歲除易求海上瓊枝
樹難得閨中錦字書

燕子伯勞相對眠牽牛織女別經年珊瑚寶樹生海
底明星白石在天邊

張云子點升菴詩不喜其深邃而喜其朗爽也

遙夜吟

遙夜吟懷禺山也會阻乎期情見乎辭
明發葉榆城暝逗蘭津渡超忽類飛翰往來如織路

僕痛馬亦黃簪短帶復長天高行誰問日暮坐自傷
鴻飛畏逢羅虎飢正出押寒流泚玄冠涼風吹白恰
子有負俗累予乃授荒人睽形而比影異習仍同塵
晤言能幾朝契濶還疊夕浪跡苦難并嘉會良易擲
翻憶在滇海翻思在連然嬾歌花館醉清梵雲房眠
丹熒耿遙夜烏白聒五曉相望不可晨咫尺限雲杪

舞姬脫鞋歌題畫

潘妃睡起冷金沙弓鞋半脫雙鸞斜越羅襪襯齊紈
素彩霞搖齋香生步早路金蕖白日娥芝田洛浦凌
微波曳霜回雪下平地琉璃滑澤春雲膩花鬆玉軟
嬌無力天公一笑生春色寶蘭困倚帶蹙跣小玉雙
成扶不得起來翹翠踏芳塵粧臺搦鏡重梳勻人間
絕世誰相并月鈎下鬪網鈎新

南中曉寒曲

南中異節候北陸戒裘鑪夜凍玉撲遶朝寒金畢逋
可念無衣客誰徵褰與襦

龍編行峇禺山

北極軍書一羽過南交氛祲九真多金潏銅柱天王
地象渚龍編瘴海波渭曲屯田愁葛亮關中餽餉急
蕭何嵐開比景鳶低水風度鳴沙馬歎陀自許將軍

回白日誰憑壯士挽銀河騰峯浴鐵朝乘障下瀨樓
船夜戢戈翡翠越裳近消息麒麟漢閣遠嵯峨婆娑
橫吹驚楊柳擘擘商聲響薜蘿隱豹文韜須霧澤荒
鷄舞困且漁簑欣聞幕府收才彥佇立衡門聽凱歌

障海一作精衛

祚馬行

祚馬出滇西青金護鑿蹄朝駮過歸鴈夕駕軼昆鷄
蹠雪工升甌陵雲欲舞梯流星迸石齒訝道火龍飛
葵鏡吟贈右溪
花卉中有唐婆鏡者一名羞天花一名倒垂

蓮本草所謂鬼臼也其花背日與蜀葵正相反
曾聞其名今始見之托諸聲詩以寄同慨
蜀葵與唐鏡同節復爭鮮蜀葵終向日唐鏡每羞天
卉木異情性造化均陶甄安得指佞草重植堯堦前
烟丸歌贈製墨毛道士羽周

鷄足烟丸古松心龍眠惜之如惜金玄霜遙分玉兔
蜜珞隨近挺青蛉岑茅犀截角先自照栢麝却臍香
太侵鴻崖羽人故多幻鶴馭明朝那可尋莫辭為我
沈霞襟

蘇易簡云鷄足山古松心製墨絕佳珞青蛉岑見江淹賦

征人早行圖

杜鵑花下杜鵑啼烏白樹頭烏白栖不待鳴鷄度關
去夢中征馬尚聞嘶

後緩聲歌

澤藏之山必有陸沉之波物或反其常君將柰之何
雌駢難為雄奔小不勝柯心之憂矣歌且訛復思入
淮之爵必有飛海之鯨披枝且害心繁實多隕條吐
珠誰不含曼聒能無招心之憂矣歌且謠

羅甸吟

苴蘭方號鬼貴竹甸名羅牛涔枉稱海駿坂猶題坡
林餘楚筆輅棧識漢牂牁久戍勞行惻天高柰若何

笠澤弄三解為潘參藩父壽

蜀城東望笠澤雲輪困搖曳青氤氳萬里從龍持獻
君將獻君先過里攢鳳笙歌燕喜

五津東下仙舟輕三泖涼波秋水平景丁南極中宵
明中宵明玄景煥展國容拜家宴

鶯湖小雪梅照天鱸羹葦豉酒如泉錦袍起舞白華
篇白華篇丹桂曲祝千齡綏百祿

鶯郎行

此澤鶯郎啞鵲鴨鶯飛鴛鴦逐鴨鳩翠袖啼春幽鳳
奩紅絲穿露空鸞桺碧眼胡兒亂馳鴉三五紅顏片

時老今日盈盈滇海花明日蕭蕭陸涼草

青海引

長白山前呀黑風桔槔火照甘泉紅五千貂錦血邊
草單于夜帳移湟中華林酒艷長庚醉沉香春濃海
棠睡金馬門如萬里遙那知青海城頭事

田家喜晴謔

玉女投壺玉皇側海童拖霖海天黑風花閃日日笑

雲俗以雲氣斑駁謂之風花古詩明月揚帆應復駛

雲氣烘為雀頭色須臾變作樓梯天黃綿襖

出晒破磚諺云樓樣天晒破磚又田叟冬茅簷夜望

黎星沒蘆絮飛殘水生骨諺云黎星沒水生骨

明月篇

桂樹生銀漢菱花掛玉臺山明姑射雪川靜海童埃
北戶燭龍蟄南枝烏鵲來清光殊窈窕流影自徘徊
樓上盈盈女樽前灩灩杯孤桐不須薦錦瑟正相催

古怨

游樹正半茸清防深幾重金星長樂漏壁月景陽鍾
掃粉趙飛燕捲衣秦祖龍粧成獨不見傾國為誰容
補臯魚風木吟為黃月坡政使賦

晨風搖搖有鳥朝朝不息終朝予心孔勞

夕風習習有鳥夜啜不息終夕予心孔棘
樹欲靜兮風則起矣子欲養兮親則已矣
枯魚銜索兮蠹何泣矣養之不逮兮祭何及矣

楚竹吟

隱括東方朔七諫語

便娟之脩竹寄生乎江潭針切歲終上防露冷冷下
來風金叶切那知竹與栢虛塞兩異心蓬矢射羣草篋
落委荒林夏首西浮遠潯陽南望深大招自抽怨小
歌徒悲吟天高何難問斯情匪斯今

游女行

東風春正韶南浦美人嬌下蔡君休問上官誰敢邀

折花斜寶珥映水正金翹娉婷惜未嫁應待逐文簫

湖艷曲

素足踏金沙波搖半臂霞東風湖艷好疑是孟珠家

江艷曲

交甫江臯見劉晨洞裡逢可憐裾踏鴈不用髻盤龍

思遠道

章丹請輟舞秦青且罷歌佳人上宮出儼婺復傾娥
夜月光如練春江紋似羅所思在遠道朱顏誰爲酤

竹浪詞七首爲劉珥江賦

新結茅齋近少城清流映帶更多情幽懷似怪王維

少柳浪何如竹浪清

青嵐帚掃紫筠烟垂露珠零綠粉天最美仙即能縮地簣簞谷在錦江邊

一部清商竹嘯風三霄碧燾舞晴空披襟已在珠宮上宋玉蘭臺賦漫雄

錦籜花裯護笋根龍孫蛇祖啓風門對青好續涪翁賦滴露研朱掛月村

衆竅爲噓萬竅號調調未定見刀刀畫風雄筆君須繼址海南溟捲紫毫

鸞暮籠烟還漏月鳳晨防露更來風寬閑不似城中

地水碧金膏五百弓

一節爲船碧海通十洲三島訪仙翁乘風破浪非難事好在垂天萬里蓬

太史升菴文集十二卷

太史升菴文集十三卷

成都楊慎著

從子有仁編輯

古樂府

海佑行二首

海佑帆乘錦浪飛
綃宮夜取萬珠璣
翻身驚起蛟龍
唾血汚清冷
竟不歸

偃月堂空罷舞塵
靖安坊冷怨佳人
芙蓉蓮子隨他
去不及當年石季倫

吳楚行

神女巫山上西施越網中朝雲迷楚國夕露滿吳宮
舞榭青楓樹歌臺綠蕙叢伍員魂已斷宋玉賦休工

涉江采芙蓉

沉沉秋江水灼灼芙蓉花葉葉凌清霜枝枝明朝霞
娟娟東隣子采采惜芳華昔時贈同心今日悲天涯
欲寄苦無因向風長歎嗟

代古日出行

晨登石巒望浮雲何相羊飄風自東來若木迴其光
景曜薄萬里下界猶蒼涼曾崖自鬱鬱芳蔭含春霜
草虫一何微感物鳴其傍天池有黃鵠一舉知圓方

靈菊篇效陸平原

靈菊植幽崖擢穎凌寒飈春露不染色秋霜不改條
三泉漱玄根九陽晞素苗衡星散光晶香氣何飄飄
東林生玉樹西畹生蘭翹懿此歲蕤茂感彼芸黃凋
采爲仙人食千載通一朝金童酌霞醴神女彈雲璈
顧視西王母翠髮如陵苕

方云真選體

雙燕曲

有鳥名飛燕雄雌自相將飲君王池水巢君文杏梁
美人當軒坐恐浣羅衣裳請君駘除之君怜不忍傷
雛生八九子嬌愛比鳳皇鳴聲何啾啾聞我庭東廂

習飛還不遠墮墜雙扉旁主人戒廬兒毛羽無摧戕
不啄五株桃不嘵五畝梁秋風從西起翩翩向南翔
昔爲黃口兒今爲烏衣郎辭巢謝主人華屋恩難忘
願主壽千歲歲歲巢君堂

方云有風有體

扶南曲 五首

春人辭曲房羅綺雜花香遠思河邊草柔情陌上桑
歸來庭下路羞見紫鴛鴦

愁窺綠綺琴絃澁不成音鏡裏春春貌窻前夜夜心
臨卬人去遠離夢繞花陰

清歌發皓齒良夜足歡娛誓好同心結迎祥百子圖

千金當一刻城上莫啼鳥

遊賞上春時踟望所思花嬌初學臉柳淺未成眉
問評溝頭水微波可致辭

淇上輕盈侶巫陽縹緲仙晚歸因鬪草春困爲秋千
羅帳含雙笑燈昏尚未眠

烏栖曲 四首

金蓮作杵瓊瑰砧蛟龍艷錦鴛鴦衾并刀未剪燕霜
落何日征衣到沙漠

晝漏迢迢春灑灑草如柔菊花如焰白日紅窻恨轉
多箇儂無計奈春何

汝南鳴鷄烏白鳥強顏饒舌催天曉
殘粧相送淚闌干月帳雲屏生曉寒

月華二八星三五丁丁漏水
簌簌鼓相思相憶阻河橋
可憐人度可憐宵

方云真得齊梁風致而不流

宛轉歌

明河拂幌月栖簷驚鳥號林螢入簾
美人遙夜歌宛轉羅衣不裂宮黃淺
愁聽更漏轉分明統統樓頭五鼓聲

梁白紵舞歌二首

仙人六著帝臺棋高張洞越吹參差
二八遮代三商

移含嬌吝彩闕容儀流雲不度華星
遲鑪火九微鐙九枝騰觚飛爵朱顏
怡傳空引滿客忘疲滿堂不語心相知

又

英英白紵雪色光機杼出自寒女房
裁作舞衣雙袖長吳娃魏粲自相將
宛轉顧步雙鴛鴦儼若星月舒其芒
髮如結旌體如翔秋葍被風蘭裊香
回身再拜捧瑤觴千秋萬歲侍君王

方云雖使沈約復生亦當心服

桂湖曲送胡孝思

君來桂湖上湖水生清風清風如君
懷灑然秋期同

君去桂湖上湖水映明月明月如懷君悵然何時輟
湖風向客清湖月照人明別離俱有憶風月重含情
含情重含情攀留桂之樹珍重一枝才留連千里句
明年桂花開君在雨花臺隴禽傳語去江鯉寄書來

方云
流麗

大堤曲

大堤二三月垂楊千萬把上枝堪藏鴉下根堪繫馬
藏鴉繫馬晚樓邊沉水香焚清酒傳紅霞宛宛歌聲
外漢水團團明鏡前夜飲朝眠歡不足秋去春來芳
草綠只知郎橐盡黃金不道妾顏銷白玉江有方洲

岼有沙牙檣絲纜各天涯釵橫花困驚殘夢不信行
人不憶家

冬晴三首

冬晴連月歲欲闌北屋修影迴南巒行人喜舞農人
歡負耒杖策各自返過涉不愁溪水寒

又

岸梅春動江不波玉顏粲粲回鏡柯橘洲霜晚繁香
多吁嗟二物堪贈遠如此萬里關山河

又

岷山白日多光輝清江激霧雪霰稀魚龍不蟄鴻鴈

飛塞上將軍未解甲城南思婦夜縫衣

阻風曲鑑子磯作 三首

峭石驚磯橫浦口朔風半夜蛟龍吼一枕波濤萬里心江水客愁誰淺深

行人夜唱江南曲已飲楚夢遙相續聲聲怨暝復愁更訴盡離情天未明

啼猿峽口江流遠回鴈峯前沙磧晚水驛梅花開未開緘情千里寄陽臺

幡幡中林葉別內兄黃峻卿

幡幡中林葉迢迢語離別王溪云宛轉有風致離別不可親相

思隔南津南津首北路莽莽入烟霧夙昔欣芝蘭痾體成歡顏只戀携手好豈知行路難前有一樽酒絃歌清商曲行子唱驪駒主人彈別鵠別鵠影悠悠寄音下西州一言展契闊再言申綢繆王溪云情到興到古意古體

垂柳篇

楚雄直力橋有垂柳一株婉的可愛往來過之賦此志感

靈和殿前艷陽時忘憂館裏光風吹千門萬戶旌旗色九陌三條雨露姿蒼涼苑日籠燕甸縹渺宮雲覆京縣芳樹重重歸院迷飄花點點臨池見臨池歸院

總仙曹應制分題競彩毫詔乘西第將軍馬詩奪東
方學士袍金明綠暗留烟霧舊燕新鶯換朝暮只知
眉黛爲君顰肯信腰肢有人妬從此沉淪萬里身可
憐憔悴四經春支離散木并時棄攀折荒亭委路塵
搖落秋空上林遠娑娑生意華年晚腸斷關山明月
樓一聲橫笛清霜坂

江干行答禹山

吳娃江干采芙蓉陳王洛浦賦遊龍忽驚繡帶香風
起漸覺羅裳珠露濃不緣織女星邊見定是嫦娥月
下逢逢君薦枕對襄王別君解珮悲交甫青雲窈窕

曼聲歌綠水迴環垂手舞鸞歌鳳舞無雙人燕歲鶯
年二八春百末蘭生延夕漏九華采燈爛晴畫金屏
花裡活秦宮寶帳香中隱韓壽迴黃轉紫返復間得
新捐舊須臾後舊人顏色昔曾新新人恩愛行當舊
舊人紅袖泣前魚新人翠羽綴燕裾阿嬌怨賦金難
買蘇蕙迴文錦不如濁水清塵坐長歎空留可伶誰
相於

華燭引

華亭席上酒闌樂闋禹山張子愈光誦梁人
燭賦碧玉舞罷羅裳單之句歎其警絕而惜

其非賦體也抽毫襞紙屬予增損其辭以爲
華燭引

六螭稅駕眠虞淵三爵行栖珠樹烟雲母疏窻花作
地茱萸繡帳錦爲天銅芝抱蒂復纏柯金藕相縈共
吐荷虹貫彩暈迎雨歇蜜催香焰送風過桂華漏促
頻銷麝蘭燼天寒不畏蛾徐吾東壁機絲少郢相南
方書誤多菖蒲傳酒座欲闌碧玉舞罷羅裳單留雲
影射荆王枕泣露光搖漢帝盤攬帶盈盈君不見脫
纓脉脉兩相看

又別擬製一篇

紫霞西沒白日陰蘭膏明燭洞房深蛾飛迥向蓮臺
度螢爝平臨桂炷沉鶴露鴈霜驚早寒寸心斗酒奉
君歡火齊蟠烟全的皪銅荷垂燼半闌干座中碧玉
好名倡清臚曼睩爛齊光燭花剪作雙胡蝶蠟淚融
成兩鳳皇便面障眉掃蛾綠搔頭墜鬢澹鴉黃綺結
交窻窻拂曙金鉅銷香香滿絮星翻漢回柰若何顧
影徘徊送君去

六朝初唐之作絕響久矣往年吾友何仲默
嘗云三百篇首睢鳩六義首乎風唐初四子
音節往往可歌而病子美缺風人之義蓋名

言也故作明月流螢諸篇擬之然微有累句
未能醇肖也升菴太史公增損梁簡文華燭
引一篇又別擬作一篇此二篇者幽情發乎
藻繪天機盪于靈聰宛焉永明大同之聲調
不雜垂拱景雲以後之語言外史小子含綏
讀七八過飄飄然有凌雲之思灑然獨醒不
覺骨瘦青玉身坐紫府也噫吾與古人交久
矣吾與仙人遊久矣安得起仲默于九原而
共賞之耶張含跋

太史升菴文集十三卷

太史升菴文集十四卷

成都楊慎著

從子有仁編輯

古樂府

關山月

迢迢賤妾隔湘川杳杳征人戍朔邊分弓營對珠龜
缺掛鏡臺臨玉兔圓紫塞風烟白登接黃河波浪黑
山連何時空外嬋娟影來照樓前歌舞筵

淮南子蚌
蛤珠龜與

月盛
衰

足唐人句效古塞下曲

長榆塞上接龜沙碎葉城邊建虎牙
夜夜月爲青塚鏡年年雪作黑山花
蘇武白頭持漢節文姬紅淚泣
胡笳可憐首着迷征馬誰見蒲桃入內家

燕歌行東程以道

玄羗白狄起邊埃翠毛朱綬選將才
玉弩驚天連馬邑金精埽旦過龍堆
甘泉宮裏兜零舉踈勒城邊汲綆
摧射虎暝中聞暗吼落鵬雲外墜
清哀五千深入衝寒雪十萬橫行
殷霽雷楊柳先春旗葉展芙蓉不
夜劍花開錦車持節夫人至貝帶
弦弓驕子迴逐北朝移行幕府受
降秋上古輪臺青樓月對庚方出
紫

塞風從丑角未擬縛名王歌杖杜肯思中婦詠條枚
新曲古意

凌波洛浦遇陳王躡步邯鄲綴舞行鸞尾鳳頭爭嫵
婉麝臍龍腦鬪芬芳巫陽臺上春先到漢月樓中夜
未央結網嬉蛛垂藻井營巢睇燕宿梅梁金仙素掌
晞金露玉女青腰裏玉霜翠織屏風交屈戌紅羅斗
帳掛香囊膩髮斜墜烏雲滑脂體橫陳白雪光詞賦
楚王憐宋玉畫圖天老教軒皇生憎露鶴催宵急死
恨星鷄促曙忙肯信王嬙嬪絕國紅顏清淚泣玄羗
題唐人閨秀熨帛圖

碧梧葉落紅閨晚
玫瑰敲月催金剪
重重海簾銀蒜
垂曲曲山屏皂羅展
廣儲懸月月月初臨
緹幕染霜霜已深
禁痒鉢衣圍夜玉
嗟峨寶髻辟寒金
雲母箱開同心鎖
鈿鈿香浮九微火
秦篝齊縷閨紛華
蜀錦吳綾分婀娜
熨帛申繒憶遠行
遙遙夜夜不勝情
百層妾住垂花塢
萬里君居碎葉城
垂花碎葉音塵隔
春去秋來感行跡
深閨心斷結蠶書
絕塞眼穿無鴈帛
明燭蘭膏照獨眠
蛾眉曼睩為誰妍
試看裴羽相思夕
何似徐吾共績年

禁痒又作冉弱
嗟峨又作倭墮

休洗紅

憫山東流賊之亂也

休洗紅紅顏薄命恨難窮
蛾眉傾國誰家女十五織
腰媒未通金屋盈盈嬌白日
錦窻的的玩春風戎馬
一朝生異北黃巾萬騎滿山東
金繒賤棄如泥土絕
色爭擒獻鎬鋒火燒野田飛墅
鴨雲暎東方生綴鍊
飄零自分身如葉憔悴誰甘首
似蓬當時不識門前路
今日能彎馬上弓
婦女何能堅節操
丈夫本自不英雄

古艷曲 二首

皎皎復盈盈傾國更傾城
珊瑚絲結網茗華玉篆名
宮女多相妬非關君薄情

珊瑚網西施事出吳越春秋逸篇見劉克李義山詩

註夏后氏二美女名華刻名琬琰
玉茗是琬華是琰見汲冢瑣語

掩顰來玉塞顧影戀金門翠燭勞光彩銀屏役夢魂
羅衣香未歇猶是漢宮恩

邯鄲才人嫁為廝卒婦

序曰予觀樂府有邯鄲才人嫁為廝養卒婦
特亡其辭亦失其解及考史記張耳傳洎楚
漢春秋并云趙王武臣為燕軍所獲囚於燕
獄先後使者往請輒為燕所殺趙有廝養卒
謝其舍中曰吾將載趙王歸舍中人笑之乃
走燕壁以利害說燕將燕以為然乃歸趙王

廝養卒御王以歸武臣歸趙以美人妻養卒
以報之是其事也予觀養卒有戰國策士之
風太史公書其事文既奇樂府歌其事亦奇
矣六朝及唐人擬作者皆似眯目道黑白雖
吾鄉太白亦迷其原昔吾亡友何仲默一日
讀焦仲卿妻樂府謂予曰古今惟此一篇更
無第二篇也凡歌辭簡則古此篇愈繁愈古
子庶幾焉可作一篇與此相對予謝未遑然
亦未有茲奇事直當之也去今二十年屏居
滇雲平晝無事散帙見此事思與仲卿事適

類復憶仲默言乃操觚試為之以成此篇惜
不使仲默見之永昌張愈光亦仲默文字友
也遂往一通以寄愈光云

團團桂花樹生在邯鄲宮翩翩翡翠鳥結巢丹桂叢
花紅何灼灼翡翠何雍雍宮中有才人顏色如花紅
青雲為雙髻明月為雙瞳十三阿母側十四深宮中
貞心比筠竹榮華如茂松左手抱齊瑟右手揮吳桐
紫綺為綢繆紈素為裁縫懶隨明點點龍涎薰褶袖
楚萼華跗薦燕支唇硃融揚子江心鏡百鍊照膽銅
複帷鎮文犀列錢銜璧缸被綉共命鳥席坐同心絨

蜻蛉噉鳳子鷄翹濯鳧翁春襟燕乙乙曉寢虫夢
芳池七十二寶帳三千重名用琬琰刻臂用絳紗封
晉似河中鴛今從雲中龍雲龍不可繫河鴛那得從
君王好遊獵將軍射飛鴻青樓臨大道層城俯雕甍
燕兵北方來陣馬如蟻螿惡氛起廣陌塞國迷旌幢
悠悠俄轉轂去去成飄蓬暮看月出西朝看日出東
君王不可見日月光瞳矐湛盧失吳劍烏號亡楚弓
左將名飛虎右將名飛熊前軍千人俊後軍萬人雄
中軍張與陳耳心餘腹同前使叩燕壁後使躡前蹤
去節何揚揚歸蒐杳紫紫後軍戒前覆咫尺不敢通

王宮懸賞格賞格厚且隆侯印方斗大金帛嵩丘崇
不愛印懸斗不愛金堆嵩宮中有才人顏色如花紅
青雲頭上髻明月眼中瞳十三阿母側十四深宮中
逝將脫薪慙歸來取華容將軍問何人竈下廝養童
軍中駭且異駭異交譏諷爾廝一何蚩爾養一何蠢
爾去何當還無吉祇有凶左將名飛虎右將名飛熊
前軍千人俊後軍萬人雄往往不生還纍纍形影空
鬪鬪虎狼叻嗟嗟么麼虫養卒含笑言君豈知我衷
君亦勿賤賤君亦勿庸庸君亦勿少少君亦勿窮窮
勿以江海流棄捐溝與瀦勿以芝蘭芳棄捐菲與葑

勿以椒櫨貴棄捐薤與葱君道如踐棘我道如折菱
君道如探湯我道如撥麴我去車搖搖我來鼓鑿鑿
朝發趙北際暮望燕南衝沐露轉磨笄戴斗但崆峒
行行日已夕停舟易水陰當門報燕將言有趙使臨
使者問燕將試言探臣曾燕將語趙使爾欲得爾王
趙使笑不止爾語曠且霽燕為脣齒國趙為輔車邦
張耳與陳餘饑鷹待勁風交遊如父子遯秦聯翼鵬
一朝仗馬箠下趙數十城各有南面志機會不巧逢
勢屈武臣下立王持趙心趙地今已定趙王為燕擒
耳餘握趙柄武臣受燕籠王歸二人臣王囚二人公

肯迎生王輦惟逆死王軌死王良實願求王但虛名
王寃化燕氛二人喜無忤內舉全趙勢外折弱燕鋒
問罪始有名仗義不待攻王今兵在頸行見雉離罈
臣來吊燕禍不求歸趙功燕將色如土燕王曾如春
乞爾趙王歸急歸在匆匆出門不復顧仰天荷高穹
養卒御王歸喜氣如渴虹前歌揚金鑣後舞蹈錦幪
荆卿羞替亢陳馳慙遷共惠公返曲沃勾踐復吳淞
山川再清朗天地重昭明智靡秦檮里勇冠夏逢門
銅斗笑刺客玳簪惡談朋三軍咸嘖嘖衆口交喁喁
升為堂上賓永脫竈下烘張筵列樽俎烹羔宰肥豨

纍纍繫印綬瑟瑟穿玲瓏陽阿七繁舞中山酒千鍾
厚賞陳前墀養卒辭未終宮中有才人顏色如花紅
可憐桃李子降作糟覈供始笑周尾生挹柱流寒淙
復咲蘇季子愚婦不下綬陳餘娶公乘張耳婚外黃
持將比才人才人姣無雙宮粧揚嫫都野態減妖穠
殷勤語才人才人莫心忪好去偕新郎新郎非蚩氓
繁華少佳實麗色幾歡棕請看古美人命薄恨常濃
驪姬死晋市西施沉吳江黃鵠悲陶嬰蝴蝶怨韓馮
為汭兩皇英南望九疑峯斑竹淚點點瀟湘波洶洶
章華貯巧笑細腰如黃蜂峽夢啼露後江眺傷青楓

阿房三十六烈燄驚丰茸娥娥摠薄命嗚嗚歌懊悞
相逢恨靡蕪相思苓芙蓉爾名播樂府爾芳輝管彤
寄謝東隣子學步休言工

贈沐錦衣

仙山名五華迢迢上烟霞道逢兩仙童駐鶴問仙家
仙家住仙村木門蒼琅根英英衆公子楚楚諸王孫
舍後有碧梧鳳皇將九雛鳴聲何啻啻聞我蓬萊壺
兄弟八九人中子執金吾木公酌醴泉金母斟雲腴
塤箎吟何曲歷歷種白榆大婦七襄女中婦重輪姝
小婦無名字彷彿秦羅敷夫人且安坐日出東南隅

月團茶歌

唐人製茶碾末以酥滷為團宋世尤精胡元
入中國其法遂絕予效而為之蓋得其似始
悟唐人咏茶詩所謂膏油首面所謂佳茗似
佳入所謂綠雲輕綰湘娥鬟之句飲啜之餘
因作詩紀之并傳好事

膩鼎腥甌芳醕蘭粉槍末旗香杵殘秦女綠鬟雲鬟
擾班姬寶扇月團團蘭膏點綴黃金色花乳清冷白
玉瀾先春北苑移根易勺水南瀝別味難

珠履曲

漸臺織女跂東足

其氏星經織女東足曰漸臺

機羅不染銀河綠

飛下天邊三素雲來舞人間八琅曲白紵繚繞豐跌
光掌中無力踏春陽共命縷纏雙躑躅同心綵綉五
文章娉媠輕盈邯鄲步嬾跚勃窣漢宮妬香裙漏影
蝴蝶飛蘭膏明燭翳霄暉金杯漱灑浮金影玉山摧
頽偎玉寢夢裏俄驚月入懷醒時却訝蓮生枕雪皴
霜皴起夜來花歎柳弱臨高臺牽牛呼龍種瑤草不
遣仙踪印歸道笑殺梁家與石家折腰香塵何足誇

飛燕詠

飛燕元傾國合德更聯芳歌舞平陽第膏沐溫柔鄉
澁澁宮中去雙雙天上翔露華百英粉沉水九迴香
李文明襪練石花凝袖粧金缸星列影珠帳月齊光
避風遠條館沃雪浴蘭房香湯不沾體仙飈空引裳
吹簫慶安世持履馮無方嬌愛詎終極榮華安可常
禍水一以浸炎火允不揚莫誦伶玄傳徒令樊女傷

善哉行

夏夜苦短冬夜苦長日月既逝春華秋霜 一解
山川嵯峨懸日孔多豈無車轅淹留匪他 二解
獸有朋携鳥有群飛顧瞻中林旦往夕歸 三解
海色東起明星晨墜美人在遠寢不聊寐 四解

同心異鄉意遐思長思未何如彈琴中商五解
附書來鴻翩翩空疾願爾千里勿遇繒繹六解

梅花落

古樂府有梅花落曲唐人諸家作者多矣皆
詠其開不言其落也旅行松次適見梅花落
乃援舊題以成新曲雖有愧緣情庶不謬體
物云耳

落梅復落梅千片復萬片願借鼓芳風吹入披香殿

其二

古梅飄古香新梅綴新粧那枝傳妾恨何樹近君鄉

其三

梅落復梅開流光似流水君心在梅花妾意憐梅子

其四

團思更團情依幌且依楹朝朝粧靨靨日日望卿卿
合歡詠有序

合歡為樹夜合朝開枝葉繁互望若蟠糾風
至扶踈了不相牽綴古人所謂青囊蠲忿者
也覽晉人楊芳之詩聊繼聲焉

可憐合歡樹生我庭東廂枝枝相糾結葉葉復飄揚
烟交疑覆帳風散若分香戢華踐西柳開艷啓東桑

周詩驚采綠楚夢感昏黃贈君以蠲忿與妾同芬芳
峽東曲

白帝到江陵一千二百里欲試一日程須待春水起
布帆一百尺出自三梭織風順早歸來天際遙相識

七夕曲

此夕知何夕今秋似去秋涼風兼遠思併在最高樓

盤江行

貴州

可憐盤江河年年瘴癘多青草二三月綠烟生碧波
行人好經過

七盤勞歌

一盤谿谷低仰首愁攀躋蠶崖白雲上鳥道金天西
二盤行漸難谷口野風寒石磴愁旋馬行人各解鞍
三盤雲霧堆側徑轉迂回前旌正延佇駿騎莫相催
四盤連翠微峰日隱晴輝石齒噬人足樹枝罨人衣
五盤勢更高俯見棲鳥巢巖巒暫相倚人馬同時勞
六盤窮攀緣真似上青天下瞰已峻絕上望更巍然
七盤險棧平眺望倚分明西征通蜀道北望指秦城

朝天嶺

落日半山坳掩映栗葉赤行客早知休前溪多虎跡

將進酒

清醕如濟濁醪如河君子有酒旨且多我當起舞君
當歌歌烏烏舞傿傿歌舞未終良夜過我首既濡君
顏酡古稱賢達日飲無何人生安樂孰知其他

將進酒杯行遲主人且勿喧君子有所思堯置中衢
尊文王法酒旗共此融融歡無愆抑抑儀今汝年壽
等喬松名與金石期將進酒酒且終樂相樂樂無窮

張禹山云辭古調高義存鑑
戒與淳于對齊王語相似

鷓鴣歌

紺宇流霜豆房冷華燭蟠煙舞交影中有一人字鷓
鴣飛爵騰觚盼斜領蓮花漏水夜無多莫將金滴比

銀河願為楚文巫山之行雨不願作甄妃洛浦之凌
波

楚妃引

金缸銜壁隨珠燭美人如月嬉華屋明星爛爛接朝
霞笑殺蘭膏誇宋玉

宵獵南夢赴長斧火似雲鯢駭雷鼓同車獨共龍陽
君纖腰美人空楚舞

莽叶滿
補切

太史升菴文集十四卷

太史升菴文集十五卷

成都楊慎著

從子有仁編輯

五言古詩

白雲岩為謝左溪賦

名廷芝

紅雲擁帝居紫雲蔭仙籙白雲何悠揚舒卷岩之曲
震澤昔從龍液池曾下鵠出岫本無心懸車返初服
憬彼入深林寔然在空谷風聽弘景松露採淵明菊
菊露綴明珠松風韻球玉九牧謝兩龔三間諧二陸
何日和雲謠西池春草綠

衍古諺

漢時諺云殺君馬者踞傍見其言雖小可以喻大衍為一篇感時撫事亦有諷

天馬龍為友來自渥洼池青絲為之絡黃金為之鞿
圉人新承命剪拂下瑤墀騎出橫門外茸茸春草時
東城接南陌觀者咸嗟咨弄臣矜迅足長鞭終日施
汗血忽憔悴筋力盡駟馳未樹邊隅績徒為冶遊疲
始信殺君馬端是路傍兒

題交甫解珮圖

交甫之楚遊息影依喬木道逢兩仙姝逍遙漢皋曲
星宿綴明璫雲霞裝魁照婉孌蕩熒魂花艷驚凡目
目隨鞿塵揚魂與芳風逐結夢擬陽臺交辭同阿谷
榮華橘是柚貞芳筍成竹江永不可方微波春自綠

別陳玉泉

玉人將遠別投贈瓊敷篇惠而能好我襄徇病榻邊
感此萬里行曷月重周旋秦地四方樞神臯接英躔
八水忽橫流九峻俄震騫來旬屬大雅申畫寄名賢
平成紹禹績玄圭獻堯天參井與岷嶓星土元相連
應念滄浪叟好音遺鴻傳

送張壚山職方還銅梁

佳胤

郊扉偃江介炎天方鬱埃燕居感離索蝸廬森蒿萊

高人千里駕空谷，是音來研精。既理窟，抽毫更逸才。
玄韻紫房洞，清吟文昌臺。同聲起，予和咲，口為君開。
檣烏五兩，發蘭鷁雙。櫓催晤語，擬傾蓋。永懷芻酌，疊
願言植嘉樹，湛思肄條枝。三峨遲後齒，七襄冀瓊瑰。
續東坡狂雲妬佳月

狂雲妬佳月，蜉蝣撼大樹。佳月了不嗔，大樹何曾拒。
輕薄哂王楊，羣兒謗李杜。光燄萬丈長，江河千古注。
勿言人可欺，大言終自誤。

懷音篇寄張惟信學士

張名潮

昆池望漢沼，滇徼視梁岷。音耗兩迢遞，眺聽一傷神。

他鄉非故園，濁水限清塵。怕脰徒佇想，送軀邈何因。
有客來天末，開緘慰飢渴。殷勤訪死生，綢繆申契濶。
光儀歛若親，窮愁暫如撥。萬里向炎隅，五載困羈孤。
山川夢張斂，岐路泣楊朱。燭龍屢遷舍，胎蚌幾盈虛。
情隨瘴嵐結，寃與迴颺俱。憶昔承嘉會，弱植連英蕖。
明輪仰重離，麗澤資雙允。取則斧睨柯，同聲竽混籟。
曳珮步文昌，抽毫逼華蓋。鳳液接鷄栖，退食競招携。
黃山上林苑，玄灞曲江堤。齊鑣拾瑤草，對榻然青藜。
郢客傳歌妙，周郎顧曲迷。傳歌還顧曲，懽移成別促。
寧知嚶鳴鸞，忽作徘徊鵠。去去背榮宴，行行赴嚴督。

三陟阻且長百罹紛交屬考槃堂中阿離索異西河
螭頭輟彩筆鶴膝擁珂戈北道主人少南方遷客多
碧鷄冠曾嶺赤虺隣荒景闔荆坐刻跡剪茅旋栖影
樵爨分獠烟枯樺通焚井鼓腹畏含沙延頸愁添癭
梟獍咲邊陲篁竹跳蠻酋挈家竄草莽乘障襍堦墜
乞糧公山貳貸粟監河戾蓬翹隨樹羽桃梗泛苔漚
風霜瘁筋力蒲柳凋顏色居夷寡鳳嬉求仙拙鷓息
衰白歲不與昏黃日下稷新知詎相聞久要難見君
皎皎共明月悠悠間白雲棄置勿復道伊誰竟此云
天山蘇子卿遼海崔亭伯缺望洛陽城銷志長安陌
跛鼈羞驥伍委羽非鴻翻下隄饒薄田東臯餘廣澤
還鄉尚有期從君訪黃石

元謀縣歌

遙望元謀縣塚墓何累累借問何人墓官尸與吏骸
山川多瘴癘仕宦少生回三月春草青元謀不可行
九月草交頭元謀不可遊嗟爾營營子何為歛來此
九州幸自寬何為此遊盤

書李前渠藩伯公便面

望塵斗以北傾蓋江之陽命駕慰遲暮倚樓訊行藏
下榻沉痾失擁篲端憂忘玉藻敷溫麗金薤披琳瑯

淪詩綴四始逸籀括三蒼荒經詢夏后汲冢懷周王
賡臯既旦旦聆摯何洋洋維時首朱夏迅晷改青陽
欸言移日稷彥會屬辰良蒲葵聊短詠木桃愧申章
九月三日見新月時有悼亡之感
纖纖初生月掛我高樓傍常時照歡影今夕流悲光
悲光正徘徊悵望相思臺涼露露襟溼爽透風幃開
絲垂繞階緝火螢穿箔來更添漏水咽膏減缸花催
莊休歌不發潘仁心已摧商陵別鵠怨梁樹栖烏哀
未抵此時恨長歎獨難裁

恩遣戍滇紀行

商秋涼風發吹我出京華赭衣裹病體紅塵蔽行車
弱姪當門啼恠我不過家行行日已夕扁舟歎潞沙
揚舲天津口回瞻見牛斗風吹紫荆樹月照青楊柳
逆流沂漕河相顧慎風波荒村聚豺虎夾岬鳴蛟鼉
僕夫困牽挽防吏苦嗔呵徐沛洪流溢滄溟浴白日
聚落雞犬空銜鱸羽毛疾暗灘持楫防洄溜揚帆慄
維纜依鶴巢塞蓬邇鮫室乘月下呂梁侵星過白楊
漫岸憬失道孤舟鬱相忘喧逐見疊浪極眺無連岡
陰霞互興沒凍雨倏淋浪溼薪戒傳火空囊愁絕糧
信宿萬籟平隣舟動歡聲聞鷄共起舞買魚賀蕪程

夕泊秦淮岸朝逗維揚城愁聽玉簫曲懶問瓊花名
畏途險已出勝地心猶驚真州對瓜步分歧當去住
翹思缺甕雲悵望金陵樹江浮懼濤瀾陸走淹霜露
移舩鷺洲來弭榜龍江隈故人同載酒一醉雨花臺
高臺多古今百慮盈踈襟琴彈別鶴調笛唱飛鴻吟
臨風惜南鷺揆景恨西沉江程始挂席江月照采石
招搖西北明水霧東南碧銅陵夢裡過赭圻望中隔
潯陽見市塵湓浦異潮夕馬口歌獨漉魚山侯風宿
西塞漁父磯東陵道士泐估客嘆浮萍放臣悲落木
秋驚赤岸楓霜謝黃州菊龜山漢陽縣鵠磯遙可見

披襟倚山閣開圖對離宴鮮飈蘋末來餘霞波外絢
枕底鳴飛湍舷際失江干仙子駐鶴嶠王孫聞鴨闌
雲開君山出壑歸洞庭寬乾鵲噪危檣連連一何迅
試叩巴峽船果得家鄉信時序感孤懷風烟集雙鬢
江陵初解颿蒼皇理征衫家人從此別客淚不可緘
騰裝首滇路問愁程楚巖楚水縈沅澧楚岬秀蘭芷
古墓識昭丘遺坊號珠履珠坊青蕪繁昭丘白雲屯
傷心楓樹林回首桃花源天寒行旅少歲晏霜霰煩
界亭四十渡羸馬不成步幽篁詎見天密箐才分路
營窟半卉裳人烟盡繁瓠戾蟲嘯落景暮客當官戍

驅車先發胸投驛遲暝霧淑浦沅陽連龍標夜郎天
遠遊吊屈子長流悲謫仙我行更迢遞千載同潛然
一葉崇安渡千波竹箭急鬼方昔云遐羅甸今初入
陰霾暄疑交瘴嵐昏曉集長亭此驛遙只尺如棘澁
石行蹶昆蹄沙炊咽蒸粒斷腸盤江河銷魂寵從坡
軍堡鳴笳近蠻營荷戟多三辰晦光彩七旬歷滂沱
蜀衣行風舞蘆笙跳月歌可憐異方樂令人玄鬢皤
烟霜窮瑣旅萑若開芳序迎暎平原來還顧殘山去
喜見青松林却辭黃茅嶼滔滔歲已周望望且夷猶
衣塵何暇拂足繭不能休碧鷄儷金馬滇海昆池瀉
五尺常類道萬里唐蒙野隋將仆碑川漢相連營下
我行更向西綿刀倦攀躋礮碌穿危磴蜻蛉控絕谿
點蒼明霽雪抱珥飲晴霓蒲塞重關峻蘭津毒草低
枝寒鴉鳥下花煖杜鵑迷泖環域射渚啜入象阱畦
瑩角髦牛鬪斑文笱馬嘶緬書塗貝葉焚照燧松梯
風景他鄉別天倪吾道拙雲山已亂心風塵仍結舌
出門各自媚失路為誰悅桑落豈忘憂荒觴詎申結
龍吼雄劍鳴驥歌唾壺缺蒼蒼七星關幾時却東還
淞淞三峽水奚啻隔中沚黃犬代書郵青龍借歸舟
鷹翼翔廖廓猿聲遞阻修何由一縮地暫作錦江遊

出嘉陵江

嘉陵駛且長千里如投梭洋洋者綠水觸石揚白波
透迤似有情相送出褒斜雲氣接江腦日色破浪花
冥冥下無極疑是神龍家垂藤飲猿狖滄淪棲陽阿
中有南行舟遙遙通三巴惜哉不可往巨石劇狼牙
我欲鑿安流手中無莫邪長歌行路難日莫猶天涯

嶠關行

晨行嶠關道此道一何難曾陵高不極脩坂回鬱盤
季冬十二月時節正嚴寒馬啼踐霜雪車轍帶岡巒
凌澌正堅洹河水無沈瀾通逵結凍溜改徑陟嶺岈
四望少烟火鳥路俯鴻磐悲風號古木響入玄雲端
居人盡塞向行者為槃跚野狼嘯昏侶饑鴈短脫翰
迢迢村郭遠行行未解鞍凜凜歲方晏去去程猶寬
勞歌以詠志釋此越鄉嘆

集弘法寺後圃小山

黃鳥語春晚青林生夏陰禪宮靜鍾梵寧知車馬音
率爾成嘉遇晤言良所欽對酒俯樓殿步履陟丘岑
謀野既有獲在遠亦會心懷哉幽寂地茲遊可重尋
擾擾望城闈欲去愧塵襟

於離會作

揚升菴文集 卷五
遙遙事行役落落無安居奉義祖江漢成旅候軺車
密親念睽隔賓筵集華裾流聲何肅穆照夜交瑛璵
率爾拜嘉貺何以報相於烟霜易淹留日月方向除
曲湟浮綠藻太液敷丹渠欲嗣北來音托之西上魚

玉溪云宛
曲有味

太史升菴文集十五卷

太史升菴文集十六卷

成都楊慎著

從子有仁編輯

五言古詩

荅程以道

驅馬國西門整駕城南端出宿指賓館飲餞臨河干
中道逢嘉友誰云行路難四海皆兄弟况是平生歡
贈我錦繡段佩之當衿鞶上縷膝與漆下繪芝與蘭
芝蘭芳不歇膝漆情無殫願為雙飛鳧隨君千里翰

玉溪云可與
十九首並誦

西使將旋卧病移旬

江漢起秋色池塘生夕陰蕭條衆芳歛啁晰候蟲吟
清光徘徊映圓景散空林采芝歌不發鍊藥行相尋
隱囊廢丹帙對晁虛清琴懷哉北望矚愴矣西飛心
端憂與雲結商聲隨風駸晏然山中暮弱懷良難任

行旅

行旅苦日短勞人知路遙忽忽歲云莫客心中搖搖
曠野饒寒氣四望但寂寥嚴霜下豐草朔風鳴枯條
浮雲起為蓋堅冰結為橋王溪云下句甚奇白日隱
餘照玄陰掩層霄鳴轂無停輪嘶馬不解鑣飛鳥夕

知還征途何迢迢無以慰苦辛興言自成謠

過河內作

晨行河內道曠然清客心太行北麓近丹流東逝深
叢芳金碧岸揔翠瑛瑤林蒲梢遞餘馥柿葉垂繁陰
在藻歸樂沫遷喬聞好音客行雖云苦對此一開襟
既懷擊壤詠復動滄浪吟古風羨樂土茲情驗於今

感秋

江漢流無極浮雲去靡依類此遠遊子乘障戍邊圻
故鄉三千里山川隔音徽日夕桀括栖涼秋熠燿飛
離索星霜改端憂節序違處者怨不詹行人歎式微

馬得排雲翼遙隨征鴻歸

留別峨石李子雜用選句

羨人仙李姿相期拾瑤草詎意旋嵐風吹我千里道
輕舟已迅邁歸信方浩渺所是同心者不得殊懷抱
隔江猶恨遙何況滇雲杪路遠夢魂迷思君令人老
願托上林鴻好音及春早

晨發高燒東丘月渚楊墨池

荒鷄嗥西隣海霞射東壁又携孤劍征去作點蒼客
高燒亦吾廬安寧亦予宅屏居三十年宛如故鄉陌
飛屐頻登臨披衣數晨夕別離今幾時重到感疇昔

兒童已長成賓從盡衰白聯榻情綢繆晤語慰衰瘠
此行擬何為筋力疲疆場少城雲思紛江陽春夢積
一身四處家浮生百齡迫請為勞者歌歌罷轉愁劇

西征夜

寒重旅衾單嘿對燈花謝亂山荒壘間獨客孤眠夜
寂寞與誰同尋思似夢中勞勞無止極去去忘西東
故鄉孟冬別有約仲冬返人願天不從長征日以遠
異縣多相知樽酒話心期含悲不能語淚爲生別滋

五日汎湖

鷄鳴海色動日出林霏開紅霞晃金碧赤帝騎龍來

新晴宜理棹，兩佛遊仙臺。榜歌聲流，唱絲管清且諧。
且須醉一斗，以緩腸九回。

南竄始發京

秋風蕭蕭發，駟車出郭東。問我今何適，竄身向南中。
南中萬餘里，去去與誰同。親交滿京國，只尺難相通。
且喜脫幽繫，未暇悲道窮。矯目眈浮雲，但羨高飛鴻。

江陵別內

同泛洞庭波，獨上西陵渡。孤棹泝寒流，天涯歲將暮。
此際話離情，羈心忽自驚。佳期在何許，別恨轉難平。
蕭條滇海曲，相思隔寒燠。蕙風悲搖心，菡露愁沾足。

山高瘴癘多，鴻鴈少經過。故園千萬里，夜夜夢煙蘿。

離思行二首

飛蓬無根株，飄飄隨風起。游子辭家鄉，流落在萬里。
當歌有苦調，對酒無欣喜。閉門愁緒集，出門多荆杞。
徬徨安所之，斷腸分流水。水流何潺潺，遠遊幾時還。

其二

南望蜻蛉道，西眺渠濫川。石子何磊磊，水流何煎煎。
山川隔宇縣，仰視空雲烟。鴻飛遠不到，書迹何由傳。
愁來坐自歎，氣結不能言。願假黃鵠羽，輕舉隨風旋。

采蘭引

趙弘道憲副因余之
此詩改名為蘭谷

廣通縣東響水關產蘭綠葉紫莖春華秋馥
蓋楚騷所稱紉佩之蘭也人家盆植如蒲萱
者蓋蘭之別種曰蓀與芷耳時川姜子見而
采之以贈予知九畹之受誣千載矣一旦而

雪作采蘭引

秋風衆草歇叢蘭揚其香綠葉與紫莖猗猗山之陽
結根不當戶無人自芬芳密林交翳翳鳴泉何湯湯
欲采往無路跼步愁褰裳美人馳目成要予以昏黃
山谷歲復晚脩佩爲誰長采芳者何人蓀芷共升堂
徒令楚老惜坐使宣尼傷感此興中懷絃琴不成章

送陳德潤還茂州二首

鍾鼓寧樂鷄文繡詎飾豨逝隨扶搖翔何似捨榆飛
勞者恒思息遊者恒思歸達生貴止足君子當知幾
宦途類嬰網稅駕真解微陽阿可晞髮高崗堪振衣
豐豐時過中戚戚何歔歔相期保耆齒逍遙敬良暉
又

井絡當坤維岷山出其腹神禹生茲鄉石紐何葱鬱
採藥遺古亭讀書留往谷靈峯隱秘文名山藏仙錄
薤尾翔飄鸞穗書昂立鵠瑞協宛委圖輝映响嚶曲
早慕子長遊晚滯周南躅煩君窈窕尋寄余琳琅錄

雙節篇為叅戎郭雲屏二母

周南標季蘭衛風詠栢舟淑聞播三族苦節傳千秋
郭門有雙節今古與同儔千金護襁褓九原安松楸
保抱自黃口相依到白頭仍雲繼闕闕將星紹箕裘
天道豈無知世澤楚水流叢桂既森森慈竹還脩脩
令伯陳情表惓惓思報劉聖代倚長城豈容歸林丘
不日絲與綸封章下冕旒我歌雙節篇石室他年收

寄余懋昭

名勛

夙昔夢見君攬衣顛倒裳繫君驂騮馬要我野遊翔
貽我金僊文合誦聲琅琅方舟青衣水共釣鯉與魴
晤言交欵欵携手何洋洋覺來一何見纍然在南荒
荒雞嗥東隣明月懸西方舉帷成起坐長嘯達晨光
因之萬里風慰言企來章

擬行行重行行

遙遙涉長途悠悠愁我心我心愁未央睽離日以深
山高水無梁寄書多浮沉魚樂在故淵鹿鳴思長林
覺時影與身夢來稠與衾端居遲日月旦暮如古今
孤頭人詎知沉憂自難任君子不遐棄懷我以好音

擬青青河畔草

河水清且漣河上多芳草春風二月時千里交河道

交河漢家營荒莽少人行日暮淒風起黃沙與雲平
雲間有孤鴈附書自鄉縣翩翩欲下來聞弦却驚散
草青鴈北飛草枯鴈南歸鴈飛有歸時征人無還期

庭中有奇樹

奇樹生南國孤根來遠方佳名誰不愛植近君子堂
春風一披拂花葉何煒煌上有寄生枝亦得沾恩光
桂枝陵寒山梧桐在高岡草木非自獻信美非所將

續百一詩十五首

齊庭陳大呂荆國起巫音雪宮繁鐘鼓朝雲進荒淫
韶經既已遠鳳鳥不復吟中和變貞則哀怨蕩人心
師曠奏清角晉壤飛袂履曲工知烟戒樂言成良箴
樂象析理亂誰言古猶今

其二

飲飛佩寶劍涉江遇陽侯風濤起連山雙蛟夾行舟
舟人甘朽骨壯士故不憂解衣謝行侶拔劍探靈湫
刺蛟同剗蚓怒浪成安流名垂千載譽位取三珪酬
嗤彼越王孫榜歌戲中流

其三

豫讓感知已之死無二心青并敦友義捐軀酬斷金
煌煌彼二節照曜古與今國士有餘譽參乘無知音

何當續良史鴻筆與幽沉

其四

無恤營襄國詭遇樹崇勳寶符吞中山銅斗揮代君
都邑曜錯繡戈鋌耿長雲天道如環運人事猶玦分
平原生茂草邯鄲起烟氛一為房陵謳淒惻誰能聞

其五

許由輕九州歸休娛頽頽共伯棄千乘結隱巢首山
漁釣性自適軒冕憂相關澤雉苦樊籠神龍樂潺湲
何事子牟心猶存魏闕間

其六

大禹入裸邦纍然解衣行墨子見荆王錦衣吹玉笙
豈不易性素所重在全生栖栖非余志皦皦非余情
所愧先機者飄然反柴荆被褐懷珠玉何人知姓名

其七

墨子迴車地朝歌佳麗叢新臺既清洒淇水復春融
鏘如南子佩錦車同衛公隋珠光照日羅衣香從風
招搖過柳市繁華驚變童堦垣望復關桑中接上宮
咄哉贊好德後乘有蹲龍

其八

周鼎鑄饕餮有首不見身食人未下咽災害旋相因

禍福互倚伏龍蛇有屈伸何事悠悠子狂冥若昧塵
感彼塞翁言宜用書君紳

其九

鄭國有良賈弦高與奚施西市黍離國東遇虎狼師
烏捷納犒質白璧通款辭乙丙已奪氣敵函成積尸
小邦得干城強敵亦何為

其十

楚女競吳桑兩國遂交兵膏血潤百里寶玉棄連城
蟻穴潰金堤燭火燦山楹毫釐一為跌尋丈忽已傾
由蘖在疆場扞禦非干旌安得起宋就永息瓜亭爭

其十一

尺木既有節寸玉亦有瑕清螭游濁水玄澤 星沙
小夫工指摘巧言多誼譁丘蚓蝻螯龍折楊笑皇華
不遇明哲人終然成嘆嗟

其十二

隙陰審時運瓶冰知天寒行人在萬里道路多險難
放轍愁羊腸方舟畏狂瀾渺渺音問濶迢迢歲月殫
采綠動朝思葛生勞夕嘆願言托宵夢馳景隨飛翰

其十三

齊后厭佛士其與鮒鯢居狐啗行哭諫陳斧斲東閭

囹圄繫鸞鳳玳瑁帶猿狙燕兵一旦至國象成剝廬
達生走奔綏觸子馳亡車遂令爽鳩樂鞠為草莽墟
麋鹿游蘇臺不獨傷子胥

其十四

東方本彥士和光在塵喧竊桃朱鳥窻避世金馬門
狎俗猶鷗鳥齊物若鷦鷯虛稱羽人派空擬歲星魂
柱下自異曲滑稽豈同源惟應夏泰初千載契知言
其十五

葛藟縈樛木兔絲附女蘿夭夭二小草洪陰仰巨柯
鄴邑羨任姒湘渚詠英娥彤管以塵翳妬津生洛河

青史傷人疏黃雲驚女訛

緜書黃雲翔女訛驚邦

驕牛信可乘

良法在金

科古律姑婦乘牛狗部中

東望樓

男子志四方焉能守一丘壯遊輕萬里逸跡凌九州
撫時厭迫隘胡為此淹留越鄉悲南冠騁望登東樓
遙樹小如薺連峯如波流穹谷無足音遠水無歸舟
跳聽何所見馳目空悠悠海曲歌五噫天末詠四愁
崇山自興惻曠野誰與倚焉得雲螭駕托乘從霄浮

碧對軒

仲尼從鳳嬉子雲慕鴻飛興托寥天廓跡與名山依

伊予事執鞭夙齡脫馬鞵考室臨蒼莽開軒面翠微
碧鷄栖靈景彩翬曜烟霏英邑聳升望晴巒引高睇
會心生遠意娛人留清輝玉露綴丹研璧月流金徽
息偃忘坐起晤言無是非柱下有遺言所貴知我希
學樊圃南中謫居五詠

辯義井

息壤海脉通幽壑泉華注浚發百尺靈沛澤千人聚
光爛九霄漿美吸三危露朝綆環村泯夕杓喧隣孺
碧甃自歲蕤銀床謝雕鑄南中饒炎燠北陸無疑涸
漱盥冰齒寒存想玄髮駐蒙莊咲埴蛙義象占谷鮒
甘芳本易竭澄滌良難遇且從校轄飲休傷輻甍賦

悠然亭

蕭蕭者東籬我我者南山山色無遠近如在咫尺間
茅亭敞蕭洒華門恒反關朝見歸雲駛暮見飛鳥還
飛鳥不可即歸雲不可攀悵我窮荒謫再見籬菊班

楊升菴文集卷十七
列樹何丰茸流泉亦潺湲永日無氛翳地隙景自閒
時枉幽人侶暫解遊子顏清風已千載餘波及顏頑

太史升菴文集十六卷

太史升菴文集十七卷

成都楊慎著

從子有仁編輯

五言古詩

擬古

上山采交藤下山逢老翁髮白顏轉少疑是古韓終
此翁何所居乃在深山中左右猿狖穴前後虎豹叢
風雲徑路絕人跡那能通問年不肯答長嘯氣何雄
翩然輕舉去策杖如飛鴻

大中丞百川張公招飲靜居寺十四韻

韶序屆仲春遲晷正駘蕩好音流
晚時服改織纈英袞枉嘉招
夙駕東闈仗祇園敞靜居香燈護龍象
名言析秋毫陸海披瓊藏稔歲華黍豐樂郊天絲颺
曲水跡非陳斜川圖可仰披霧吟沈寥謀野乘閑曠
晏絜倚文翁式遏懷葛亮下走本陳人
汎愛容衰恙芟製厠端旒塵容醉清醜信宿枉仙翰
何以酬台貺杲旭燭覆盆靈籟鳴塞巷
永言詎能殫錢膺矢無忘言將北上述志一首答蘇從仁恩王子衡廷相

奔曦豈不疾國火三改鑕遊子戀所生
不獲常懷安微尚何足云弱質良獨難
衡門坐成遠塵冠行復彈已負濩落性
更從樗散官進阻巖廊議退抱江湖歎
曠哉宇宙內吾道何盤桓

送黃才伯佐用封藩府南渭

泛泛東行舟迢迢南渭流淪波環楚壤
派別引丹丘竹嶼臨湘烟楓門映離日
金節斗邊來青翰天上出分珪剪桐底
鳴珂衣錦鄉江干旋露蓋海曲卸雲裝
西岸舉芙蓉東周折楊柳燕喜拜華堂
鸞謳春酒握蘭五夜直采蕭三秋期
歧予飢渴想遲爾瓊樹枝

登大慧寺道然臺是日杜鵑鳴于北都

驅馬出城闕置酒臨高臺高臺見百里坐望西山隈
雲氣何飄飄何佛接蒿萊前有芳樹林清陰鬱徘徊
飛鳥遺之音宛轉悽以哀杜鵑非北羽誰遣從南來
常恐商飈發使我脩蘭摧長歌行路難感激傷中懷
和余懋忠青衣別後追寄之作

抽簪畫江沙寫出腸斷詞遙寄百里人見君昨夜思
昨夜復今朝百里又千里歡遊坐成隔乖離從此始
乖離渺何許異國猶鄉土雲從青衣來月自峨眉吐
雲月兩悠悠光景為君留因之托宵夢遠到海西頭

瓊音篇寄康對山

晨逢南州牧携手滇之陰言從太白來貽我瓊黃音
題封五雲爛開緘雙鳳吟伊人先鳴者夙齡晏清襟
良史古班馬逸民今尚禽商泛憫宋玉芻委嗟師金
汧東青霞想滸西紫芳心戎旅未云返嵇駕何由尋
因聲萬里風調短情方深

尚禽書移

贈張愈光詩 三首

孔雀生南溟裴回紫蔚林文采既彪炳與世亦殊音
時哉固多觴涼羅忽見尋羽毛琴以儷阿閣迥且深

楊升菴文集 卷十七
一彈哀鳶唱再撫孤鷄吟荒塗不可踐為君愁我心

又

迢迢禹氏山珠璧交晶英二六照梁乘三五連趙城
兩美必相合誰言容易并別足傷卞盃按劍嗟枚生
子續艱征賦余和從軍行同心復同患日暮天末情

又

大雅淪千載正聲代以微鷹隼乏翰采雉暈無高飛
有鳥來西極羽群實所稀風穴吸沆瀣天池濯毛衣
翹翹千仞翔郁郁九苞輝君才文苑鳳隼雉焉能希
梧枯醴泉渴日暮恒苦饑何時逢天老駕言玄扈歸

送終安人王氏塋恩波阡

石流何湔湔湟潦增其波天陰日易晚曠野悲風多
嚴霜下喬木零雨滋柔柯蕭條我行野傷心悲如何
中道失嘉耦送此山之阿凜凜歲方宴誰與同歡歌
君看彼鳥雀各自安其窠

效古

朝遊魏峩宮暮墜靖嶠壑面笑背成嘆春華秋已落
耳餘互侵陵田實相傾奪富貴生不仁榮華有銷鑠
何如商山翁茹芝詠莫莫冥鴻度遼陵樊籠豈栖託

雙魚鋪

排律
岩岩山上亭上有雙魚字回顧望新城欲將雙魚寄
泛泛東水流蘋藻相蒙翳釣竿何孑孑魚尾何曾麗
緘意付歸風日暮江之汜

送崇慶白判官

宦蹟標南郡賢勞賦北山分携千里外留滯一年間
梅閣春全隔花宮月幾彎水聲隨露晷塵路損風顏
別路遙岑合離亭二水環永言君子贈懷惠野人攀
共道鶯遷近來瞻馬首還

送曾東石

文鳥生岷山來翔十二樓覽德簫韶下長鳴向南州

翩翩慕儔者睠言不可留河梁一相送飄風吹方舟
山川隔光彩嘉會期三秋清商具終曲何以慰離愁
常恐麗澤遠索居多愆尤馳心如日月光彩隨南流
脫有歸飛翼因之問阻脩

秋日雜詩二首

秋霖溢城闕后土何時乾周行無軌轍出入阻且艱
長安有一士華門晝長關開徑理蓬蒿荒我蕙與蘭
蕙蘭日將歇蓬蒿不可刪仰首向浮雲慨然增永嘆

又

羲和運天畧候蟲和歲陰昔為莎鷄羽今為蟋蟀吟

感彼蕭條節動此棲遲心旅人在異鄉相思夢同衾
登臨一以眺但見丘與岑清冷含廣澤悲商印遙林
結軫還歸來當軒撫鳴琴幽蘭久不奏誰哉知此音
贈錢少容僉事

之子體英彥弱齡稱國華先名出藝苑發跡翼名家
澄清攬飛轡亨衢有高車儀鳳自覽德神羊本觸邪
當今爽鳩墟千載同其嘉翱翔厲宇縣音塵非天涯
離居欲有贈持此代疏麻勿言吏道迫坐令爾音遐

送徐用先歸嘉州

客有歸歎嘆言從隱者流高議在青瑣吾道付滄洲
滄洲多故人夙昔諧幽賞嘯歌丹崖邊携手紫霞上
壁津春水生波浪動江城岷嶺秋芳落清音滿蘭若
亦知江湖憂不廢登臨樂迢迢結桂枝望望阻相思
殷勤三歲字惆悵四愁詩伊予慕儔侶睽離分晤語
何時峨眉雲來作人間雨

送王舜典知成都

新鮮郎官綬遙分太守符嚴程趨左蜀歸榜過東吳
玉壘關雲淨青城嶺月孤乾坤回治象江海接亨衢
露冕仁風播隨車解澤濡滂流通暘壤生色到寒蕪
筐篚窮方貢堯鰲鰲國須幾年懷樂職今日會昭蘇

廉范歌當繼王褒頌不諛循良千古事肯負兩輪朱

和方思道毛塢之什

毛塢之什棠陵方子所作也一日出棘竹二
曰解藤杉三曰竈觚桐四曰榼中鯉升菴子
讀而愛之倚而和之改為冉冉孤生竹裊裊
杉上藤悒悒竈觚桐育育榼中鯉如其章如
其句如其意如其聲

冉冉孤生竹遲此方苞月玉節本璘珣乎尹亦旁達
叢棘紛糾纏興言誰剪伐詩人執斧柯君子在林樾
朝看清陰成暮聽商飈發一歌倚蘭榮再占泰茅拔

不有栽培心曲直竟何掘

裊裊杉上藤翳此荒水濱蛇蚓一以結虬龍何申申
清風扇中壤渥露溥高旻竒樹既有華散木亦有身
歲寒異凋謝發生何齊勻匏瓜徒自係持此嘆迷津
誰當貢衢室上與階莫倫

悒悒竈觚桐采自樵人塢徽軫不得薦樽櫨亦何補
况復近庖厨宮商委泥土哲匠秉清規知音慕中古
正聲歸雅琴俚耳羞簧鼓中郎不可見虎賁猶堪取
何時期幽尋淥水遊春渚

育育榼中鯉本是充庖魚戢鱗隱文章駢首相沫濡

豫且下清冷元君夢玄夫品物雖異流共戚亦通娛
但取莊生樂那知子產愚放之悠然逝相忘於江湖
誰言爾為爾自信吾忘吾

送嚴維中

北辭鳴鳳池南登歌鳳臺命傳嘯匹侶羽翼臨當乖
舫舡張且歛河水滌復洄靡靡君行邁悠悠予軫懷
離日汀洲下驚颺林葉頽分襟一為別懸旌搖以摧
會合良不易臨岐重徘徊圭章多特達清角少喧颺
贈言無他勗聲儀望重來

送郭价甫

三首

洋洋北流水搖搖南行舟良友當遠邁祖帳臨汀洲
歡觴恒易滿別襟苦難留形影邈千里德音誰與酬

又

德音無與酬悵然與我思人生非鹿豕安得免乖離
河洲有芳蘭采之堪贈貽猗猗揚馨香千里同襟期

又

襟期千里同川塗兩都通王道方砥平高衢騁駿雄
東賓問西主南燕遺北鴻音塵豈廖廓端居有長風

送盧師邵

名雍

空谷滯楚步石山枉佳招長風自遠來逸翮懷迥霄

期我于浮城投我以英瑤我僕已整駕我馬亦在鑣
愁霖泥修途江廣詎通舠粵子睽昔約伊人阻今朝
良會虛高言三遊絕孤標神襟重悒悒悵望倚逍遙
佳期曠何許碧雲生泐寥願附同聲翼因寄相思謠

寄嚴維中

美人在桂林貽我金琅玕高情與逸思遙下青雲端
相去萬餘里黃鵠飛猶難湘灘何悠悠衡麓峭增盤
擊汰浥清泚振衣凌噴岓竒觀洞前古嘉藻留英翰
壯遊輕路永遠別驚年單夢澤流澌解鈴峯零露漙
遵途返星駕會闕我雲冠伊子嬰夙疾塊然慕朋歡

愧彼桑蓬志并此藜藿安懷書重端綺佩言芬如蘭
始願愛青華終期同歲寒酬德遂有述展歌情未殫

抄本卷之集

太史公史記卷之集

卷之集

卷之集

卷之集

